



Zoe-y n zāag-y yel-halkds a yopoe wā

Yi a Abū Ḥurayrat nengē -Wēnd yard be a yīnga- a yeelame: «Zoe-y n zāag-y yel-halkds a yopoe wā», la b yeele: « Wēnd Tēn-tuūma, yaa bāmb la buse?» T'a yeele: yaa lagem-n-taar ne Wēnde, la tūm, la yōor ning Wēnd sēn gūdg tū b ra ku tū sā n ka tū ne lūslaang hake wā kūbo, la rūbaag rūbo, la kūb arzek rūbo, la gūd kuidg n zoe zabr raare, la Muumin pogsā sēn yaa yōk-m-mensā rāmbā, sēn pa ning b toaag ne yel-beedā rōdbo». [Naşun Şahihon (Gom-sikdem sēn manege)] [B zemsa taab a zugu (A Al-Buhaariy la a Muslim n reeg-a)]

Tēn-tuūmā (Wēnd puusg la A tūlgr be a yīnga) a saganda a poorē rāmbā tū b zāag yel-wēns a yopoe la Wēnd kūsg sēn halkd ninsaala, la b sēn wa n sok-a tū yaa būsā? A vēneg-b lame tū b yaa: Rēenem: yaa lagm-n-taar ne Wēnde, ne b sēn baood mak-n-taase la bilg-n-taase ne Wēndā a sēn yaa neng ning fāa, la rūt tūudum a sēn yaa soab fāa n tū zēng sēn pa Wēnde, la a singa ne Lagm-n-taarā; bala, yē n yıld zunuub-rāmbā fāa wēnga. Yiibu: yaa tūm- yē me yaa yoada, la walma, la tīto, la wūsd-rāmbā-, t'a namsd b sēn maan-a soab tūmā yīnga, n kūuda, maa bāaga, maa welg yi-kāadb a yiibā ne taaba, la a yaa Sūtāan tuūma, la a wūusga fāa pa tōe maan-a rēnda ne lagm-n-taare la yū-wēnsā pēnegre ne būmb b sēn nonge tāabo: yōor ning Wēnd sēn gūdg tū b ra ku wā, sā n pa sārū n kō sor tū bū-būudā maan rē. Naase: yaa rūbaag reegre n rūt-a maa b sēn nafd neng ning fāa. Nu soaba: yaa maan-n-zūuka bi-bilf arzea saamb sēn ki n bas-a t'a pa ta kaseng (baalik) ye. Yoobe: yaa zoe zabre b sēn zabd ne Kifr-dāmbā. Yopoe: yaa burkīn pogsā sēn yaa yōk-m-meng rāmbā rōdbo, woto bala la rapā me rōdbo.

<https://sunnah.global/hadeeth/mos/show/3331>